



白氏文集
十七十八

~ 16
2690
10



白氏長慶集卷第十七

唐太子少傅刑部尚書致仕贈尚書右僕射太原

白居易樂天著

明後學松江馬元調巽甫校

律詩

五言七言自兩韻至五十韻凡一百首

江南謫居十韻

自哂沉冥客曾為獻納臣壯心徒許國薄命不如人纔
展凌雲翅俄成失水鱗葵枯猶向日蓬斷欲辭春澤咄
長愁地天邊欲老身蕭條殘活計冷落舊交親草合門
無徑煙消甌有塵憂方知酒聖貧始覺錢神虎尾難容

門 へ 16
號 2690
卷 10

定羊腸易覆輪行藏與通塞一切任陶鈞

江樓夜吟元九律詩成三十韻

昨夜江樓上吟君數十篇詞飄朱檻底韻墜綠江前清
楚音諧律精微思入玄收將白雪麗奪盡碧雲妍寸截
金為句雙雕玉作聯八風淒間發五彩爛相宣水扣聲
聲冷珠排字字圓文頭交比繡筋骨軟於綿頰胡孔湧
同波浪錚鏦過管絃醴泉流出地鈞樂下從天神鬼聞
如泣魚龍聽似禪星迴疑聚散月落為留連鴈感無鳴
者猿愁亦悄然交流遷客淚停住賈人船聞被歌姬乞
潛聞思婦傳斜行題粉壁短卷寫紅箋肉味經時忘頭

昭和九年
十一月二日
購求

風當日痊老張知定伏短李愛應顛張十八籍李二十

道屈才方振身閒業始專天教聲烜况遠赫理合命連

邇顧我文章劣知他氣力全功夫雖共到巧拙尚相懸

各有詩千首俱拋海一邊白頭吟處變青眼望中穿酬

荅朝妨食披尋夜廢眠老償文債負宿結字因緣每歎

陳夫子陳子昂著感於世常嗟李謫仙賀知章謂李名高折

人爵思苦減李竟無官天年陳亦早天不得當時遇空令後代憐

相悲今若此溢浦與通川

潯陽歲晚寄元八郎中庾二十二員外

閱水年將暮燒金道未成丹砂不宥死白髮自須生病

肺慙杯滿衰顏忌鏡明春深舊鄉夢歲晚故交情一別
浮雲散雙瞻列宿榮螭抽知頭階下立龍尾道前行封
事頻聞奏除書數見名虛懷事僚友平步取公卿漏盡
雞人報朝回幼女迎可憐白司馬老人在滏城

元九以綠絲布白輕裕以中見寄製成衣服以

詩報知

綠絲文布素輕裕珍重京華手自封貧友遠勞君寄附
病妻親為我裁縫袴花白侶秋雲薄衫色青於春草濃
欲著却休知不稱折腰無復舊形容

清明日送韋侍郎貶虔州

寂寞清明日蕭條司馬家留餞徐盈和冷粥出火煮新
茶欲別能無酒相留亦有花南遷更何處此地已天涯

九江春望

森四妙切茫積水非吾土飄泊浮萍自我身身外信緣為
活計眼前隨事竟交親鑪煙豈異終南色溢草寧殊渭
北春此地何妨便終老譬如元是九江人香鑪峰上多煙溢水所邊

有州因之而記之

晚題東林寺雙池

向晚雙池好初晴百物新梟枝翻翠羽濺水躍紅鱗萍
汎同遊子蓮開當麗人臨流一惆悵還憶曲江春

贈內子

白髮長興歎青娥亦伴愁寒衣補燈下小女戲牀頭
澹屏幃故淒涼枕席秋貧中有等級猶勝嫁黔婁

送客春遊嶺南二十韻因敘嶺南方物以諭之

作之

已訝遊何遠仍嗟別太頻離容君感促贈語我殷勤

迺天南面蒼茫海北濬殊倫切訶陵國分界交趾郡為隣

翁鳥紅切鬱三光晦温暾他昆切四氣勻陰晴變寒暑昏曉

錯星辰瘴地難為老蠻貊不易馴土民稀白首洞主盡

黃巾戰艦猶驚浪戎車未息塵時黃家賊左動紅旗圍卉服紫

綬裏文身麵苦桃姑黃切椰魯堂切製漿酸橄欖新牙橋迎

海舶銅鼓賽江神不凍貪泉煖無霜毒艸春雲煙蟒虵

氣刀劍鱗魚鱗路足羈棲客官多謫逐臣天黃生颶遇

母颶母如虹欲大風即見兩黑長楓人楓人因夜雷雨迴使先

傳語征軒早返輪須防杯裏蠱南方蠱毒多置酒中莫愛橐中珍

北與南殊俗身將貨孰親嘗聞君子誠憂道不憂貧

自題

功名宿咎人多許寵辱斯須自不知一旦失恩先左降

三年隨例未量移馬頭覓角生何日石火敲光住幾時

前事是身俱若此空門不去欲何之

自悲

火宅煎熬地霜松摧折身因知羣動內易死不過人

尋郭道士不遇

郡中乞假來相訪洞裏朝元去不逢看院祇留雙白鶴
入門惟見一青松藥爐有火丹應伏雲碓無人水自春
盧山中雲母多故以水碓
碓舊鍊俗呼為水碓欲問參同契中事更期何日得
從容

潯陽春二首

元和十二年作

春生

春生何處聞周遊海角天涯遍始休先遣和風報消息

續教啼鳥說來由展張艸色長河畔點綴花房小樹頭
若到故園應覓我為傳淪落在江州

春來

春來觸動故鄉情忽見風光憶兩京金谷蹋花香騎入
曲江碾艸鈿車行誰家綠酒歡連夜何處紅樓睡失明
獨有不眠不醉客經春冷坐古湓城

春去

一從澤畔為遷客兩度江頭送暮春白髮更添今日鬢
青衫不改去年身百川未有回流水一老終無却少人
四十六時三月盡送春爭得不殷勤

夢微之

十二年八月二十二日夜

晨起臨風一惆悵通川湓水斷相聞不知憶我因何事
昨夜三迴夢見君

贈韋鍊師

潯陽遷客為居士身似浮雲心似灰上界女仙無嗜好
何因相顧兩徘徊共疑過去人間世曾作誰家夫婦來

問劉十九

綠螳語起切新醅酒紅泥小火爐晚來天欲雪能飲一杯
無

得行簡書聞欲下峽先以此寄

朝來又得東川信欲取春初發梓州書報九江聞慙喜
路經三峽想還愁瀟湘瘴霧加飡飯澁瀆驚波穩泊舟
欲寄兩行迎爾淚長江不肖向西流

南湖早春

風迴雲斷雨初晴返照湖邊暖復明亂點碎紅山杏發
平鋪新綠水蘋生翅低白鳥飛仍重舌澁黃鸝語未成
不道江南春不好年年衰病減心情

元十八從事南海欲出廬山臨別舊居有戀泉

聲之什因以投和兼伸別情

賢侯辟土禮從容莫戀泉聲聞所從雨露初承黃紙詔

煙霞欲別紫霄峰傷弓未息心驚鳥得水難留久臥龍
我正退藏君變化一杯可易得相逢

題韋家泉池

泉落青山出白雲
縈村遶郭幾家分
自從引作池中水
深淺方圓一任君

醉中對紅葉

臨風杪秋樹對酒長年人
醉貌如霜葉雖紅不是春

遣懷

羲和走馭趁年光不許人間日月長
遂使四時都似電爭教兩鬢不成霜
榮銷枯去無非命壯盡衰來亦是常

已共身心要約定窮通生死不驚忙

點額魚

龍門點額意何如紅尾青鬚却返初
見說在天行雨苦為龍未必勝為魚

聞龜兒詠詩

憊渠已解詠詩章搖膝支頤學二郎
莫學二郎吟太古纔年四十髮如霜

對酒

未濟卦中休上命參同契裏莫勞心
無如飲此銷愁物一餽愁消直萬金

東牆夜合樹去秋為風雨所摧今年花時悵然

有感

碧黃紅縷今何在風雨飄將去不回惆悵去年墻下地
今春唯有薺花開

病起

病不出門無限時今朝強出與誰期經年不上江樓醉
勞動春風颺酒旗

夢亡友劉太白同遊彰敬寺

三千里外臥江州十五年前哭老劉昨夜夢中彰敬寺
死生魂魄慙同遊

與果上人歿時題此訣別兼簡二林僧社

本結菩提香火社為嫌煩惱電泡身不須惆悵從師去
先請西方作主人

贈寫真者

子騁丹青日予當醜老時無勞役神思更畫病客儀迢
遍麒麟閣圖功未有期區區尺素上焉用寫真為

劉十九同宿

時淮寇初破

紅旗破賊非吾事黃紙除書無我名唯共嵩陽劉處士
圍碁賭酒到天明

十二年冬江西溫暖喜元八寄金石稜到因題

此詩

今冬臘後不嚴凝暖霧溫風氣上勝山脚崦於檢中纔
有雪江流慢處亦無冰欲將何藥防春瘴只有元家金
石稜

閒意

不爭榮耀任沉淪日與時疎共道親北省朋僚音信斷
東林長老往還頻病停夜食閒如社慵擁朝裘煖似春
漸老漸諳閒氣味終身不擬作忙人

送友人上峽赴東川辟命

見說瞿塘峽斜衝灑潁根難於尋鳥路險過上龍門半

角風頭急桃花水色渾山迴若鼉轉舟入似鯨吞巖合
愁天斷波跳恐地翻憐君經此去為感主人恩

夜送孟司功

潯陽白司馬夜送孟功曹江閣管絃急樓明燈火高湖
波翻似箭霜艸殺如刀且莫開征棹陰風正怒號

衰病

老辭遊冶尋花伴病別荒狂舊酒徒更恐五年三歲後
此些談笑亦應無

題詩屏風絕句 井序

十二年冬微之猶滯通州予亦未離滄上相去萬里不

見三年鬱鬱相念多以吟咏自解前後辱微之寄示之
什殆數百篇雖藏篋中永以為好不若置之坐右如見
所思繇是掇律句中短小麗絕凡一百首題錄合為一
屏風舉目會心叅若其人在於前矣前輩作事多出偶
然則安知此屏不為好事者所傳異日作九江一故事
爾因題絕句聊以獎之

相憶承君詩作障自書自勸不辭勞障成定被人爭寫
從此南中紙價高

君寫我詩盈寺壁我題君句滿屏風與君相遇知何處

荅微之

微之于閬州西寺手題詩予又以
微之百篇題此屏上各以絕句報荅

兩葉浮萍大海中

偶宴有懷

遇興尋文客因歡命酒徒春遊憶親故夜會似京都詩
思閒仍在鄉愁醉斲無狂來欲起舞慙見白髭鬚

山中贖江州崔使君見寄

眷盼情無限優容禮有餘三年為部吏一半許山居酒
熟心相待詩來手自書庾樓春好醉明月且回車

山枇杷

深山老去惜年華况對東溪野枇杷火樹風來翻降豔
瓊枝日出曬紅紗回看桃李都無色映得芙蓉不

是花爭奈結根深石底無因移得到人家

聞李尚書拜相因以長句寄賀微之

隣君不久在通川知已新提造化權
夔高定求才濟世張雷應辨氣衝天
那知淪落天涯日正是陶鈞海內年
官向泥中拋折劍不收重鑄作龍泉

歲暮

窮陰急景坐相催壯齒韶顏去不回
舊病重因年老發新愁多是夜長來
膏明自執緣多事鴈默先烹為不才
禍福細尋無會處不如且進手中杯

雨中赴劉十九二林之期及到寺劉已先去因

以四韻寄之

雲中臺殿泥中路既阻同遊懶却還
將謂獨愁猶對雨不知多興已尋山
纔應行到千峰裏只杖來遲半日閒
最惜杜鵑花爛熳春風吹盡不同攀

薔薇正開春酒初熟因招劉十九張大夫崔二

十四同飲

麝頭竹葉經春熟階底薔薇入夏開
似火淺深紅壓架如飴徐盈切氣味綠粘臺
試將詩句相招去倘有風情或可來
明白早花應更好心期同醉卯時杯

李白墓

采石江邊李白墳，遠田無限艸連雲。可憐荒壠窮泉骨，曾有驚天動地文。但是詩人多薄命，就中淪落不過君。

對酒

漫把參同契，難燒伏火砂。有時成白首，無處問黃芽。幻世如泡影，浮生抵眼花。唯將綠醕酒，且替紫河車。

戲荅諸少年

顧我長年頭，但雪使君壯歲氣。如雲朱顏今日雖欺我，白髮他時不放君。

風雨夜泊

苦竹林邊蘆葦叢，停舟望思無窮。青苔撲地連春雨。

白浪掀天盡日風，忽忽百年行欲半。茫茫萬事坐成空，此生飄蕩何時定。一縷鴻毛天地中。

題崔使君新樓

憂人何處可銷憂，碧甃紅欄溢水頭。從此潯陽風月夜，崔公樓替庾公樓。

山中戲問韋侍郎

我抱樓臺志，君懷濟世才。常吟反招隱，那得入山來。

贈曇禪師

五年不入慈恩寺，今日尋師始一來。欲知火宅焚燒苦，方寸如今化作灰。

寄微之

帝城行樂日紛紛天畔窮愁我與君秦女笑歌春不見
巴猿啼哭夜長聞何處琵琶絃侶語誰家局苦垂墮髻
如雲人生多少歡娛事那獨千分無一分

醉吟二首

空王百法學未得姪女丹砂燒即飛事事無成身老也
醉鄉不去欲何歸

兩鬢千莖新侶雪十分一盞欲如泥酒狂又引詩魔發
日午悲吟到日西

曉寢

轉枕重安寢回頭一欠伸紙牕明覺曉布被煖知春莫
強疎慵性須安老大身雞鳴猶獨睡不博早朝人

荅元八郎中楊十一博士

身覺浮雲無所著心同止水有何情但知瀟灑疎朝市
不要崎嶇隱姓名盡日觀魚臨澗坐有時隨鹿上山行
誰能拋得人間事來共騰騰過此生

湖亭與行簡同

潯陽少有風情客招宿湖亭盡却回水檻虛涼風月好
夜深誰共阿憐來

八月十五日夜湓亭望月

管年八月十五夜曲江池畔杏林邊今年八月十五夜
溢浦沙頭水館前西北望鄉何處是東南見月幾迴圓
臨風一歎無人會今夜清光似往年

贈江客

江柳陰寒新雨地塞鴻聲急欲霜天愁君獨向沙頭宿
水遶蘆花月滿船

殘暑招客

雲截山巒斷風驅雨脚回早陰江上散殘熱日中來却
取生衣著重拈竹簟開誰能淘晚熱閒飲兩三杯

潯陽秋懷贈許明府

霜紅二林葉風白九江波暝色投煙鳥秋聲帶雨荷馬
閒無處出門冷少人過鹵莽還鄉夢依稀望闕歌共思
除醉外無計奈愁何試問陶家酒新芻得幾多

九日醉吟

有恨頭還白無情菊自黃一爲州司馬二見歲重陽劍
匣塵埃滿籠禽日月長身從漁父笑門任雀羅張問疾
因留客聽吟偶置觴歎時論倚伏懷舊數存亡奈老應
無計醫秋或有方無過學王勣唯以醉爲鄉

問韋山人山甫

身名身事兩蹉跎試就先生問若何從此神仙學得否

白鬚雖有未為多

送蕭鍊師步虛詞十首卷後以二絕繼之

欲上瀛洲臨別時贈君十首步虛詞天仙若愛應相問

向道江州司馬詩

花紙瑤緘松墨字把將天上共誰開試呈王母如堪唱

發遣雙成更取來

贈李兵馬使

身得貳師餘氣槩家藏都尉舊詩章江南別有樓船將

燕領虬鬚不姓楊

題遺愛寺前溪松

偃亞長松樹侵臨小石溪靜將流水對高共遠峰齊翠
蓋煙籠密花幢雪壓低與僧清影坐借鶴穩枝棲筆寫
形難似琴偷韻易迷暑天風械止載械晴夜露淒淒獨
憇依為舍閒行逶作蹊棟梁君莫採留者伴幽棲

廬山草堂夜雨獨宿寄牛二李七庾二十二員外

丹霄攜手三君子白髮垂頭一病翁蘭省花時錦帳下

廬山雨夜艸菴中終身膠漆心應在半路雲泥迹不同

唯有無生三昧觀榮枯一照兩成空

聞楊十二新拜省郎遙以詩賀

文昌新入有光輝紫界宮牆白粉闌曉日雞人傳漏箭

春風侍女護朝衣，雪飄歌曲高難和。鶴拂煙霄老慣飛，
官職聲名俱入手。近來詩客似君稀，頃曾有贈楊詩落
過好折君官職是聲
名今故云俱入手

三月二日懷微之

良時光景長虛擲，壯氣風情已闌銷。忽憶同爲校書日，
每年同醉是今朝。

贈韋八

辭君雖久見君初，白髮驚嗟兩有餘。容鬢別來今至此，
心情料取合何如。曾同曲水花亭醉，亦共華陽竹院居。
豈料天南相見夜，哀猿瘴霧宿匡廬。

春江閒步贈張山人

江景又妍和，牽愁發浩歌。晴沙金屑色，春水麴塵波。紅
簇交枝杏，青含卷葉荷。藉莎憐軟乳交切暖，憇樹愛婆娑。
書信朝賢斷，知音野老多。相逢不閒語，爭奈日長何。

春聽琵琶兼簡長孫司戶

四絃不似琵琶聲，亂寫真珠細撼鈴。指底商風悲颯合悉
切，颯舌頭胡語苦醒醒。如言都尉思京國，但訴明妃厭
虜庭。遷客共君相勸諫，春腸易斷不須聽。

吳宮詞

一入吳王殿，無人覩翠娥。樓高時見舞，宮靜夜聞歌。半

露曾如雪斜迴臉，但波妍媸各有分。誰敢妬恩多。

送韋侍御量移金州司馬時予官獨未出

春歡雨露同，霑澤冬歎風霜獨。滿衣留滯多時如我少，遷移好處似君稀。臥龍雲到須先起，蟄燕雷驚尚未飛。莫恨東西溝水別，滄溟長短擬同歸。

自到潯陽生三女子，因詮真理用遣安懷。

宦途本自安身拙，世累由來向老多。遠謫四年徒已矣，晚生三女擬如何。預愁嫁娶真成患，細念因緣盡是魔。賴學空王治苦法，須拋煩惱入頭陀。

江西裴常侍以優禮見待，又蒙贈詩，輒叙鄙誠。

用伸感謝

一從簪笏事金貂，每借溫顏故折腰。長覺身輕離泥滓，忽驚手重捧瓊瑤。馬因回顧雖增價，桐遇知音已半焦。他日秉鈞如見念，壯心直氣未全銷。

自江州司馬授忠州刺史，仰荷聖澤，聊書鄙誠。

炎瘴拋身遠，泥塗索脚難。網初鱗躐普活切刺郎達切籠久翅摧殘，雷電頒時令。陽和變歲寒，移簪承舊念。剖竹授新官，鄉覺前程近。心隨外事寬，生還應有分。西笑問長安。

除忠州寄謝崔相公

提拔出泥知力竭，吹噓生翅見情深。
劍鋒缺折難衝斗，桐尾燒焦豈望琴。
感舊兩行年老淚，思恩一寸歲寒心。
忠州奸惡何須問，鳥得辭籠不擇林。

初授官蒙裴常侍贈鶻銜瑞州緋袍魚袋因謝

惠貺兼紆離情

新授銅符未著緋，因君裝束始光輝。
惠深范叔綈袍贈，榮過蘇秦佩印歸。
魚綴白金隨步躍，鶻銜紅綬遶身飛。
明朝戀別朱門淚，不敢多垂恐污衣。

洪州逢熊孺登

靖安院裏辛夷下，醉笑狂吟氣最麤。
莫問別來多少苦

苦低頭看取白髭鬚

初著刺史緋荅友人見贈

故人安慰善為辭，五十專城道未遲。
徒使花袍紅似火，其如蓬髮白成絲。
且貪薄俸君應惜，不稱衰容我自知。
銀印可憐將底用，只堪歸舍嚇妻兒。

又荅賀客

銀章暫假為專城，賀客來多懶起迎。
但挂緋衫衣架上，朽株枯竹有何榮。

別草堂三絕句

正聽山鳥向陽眠，黃紙除書落枕前。
為感君恩須暫起

白集
卷一
一
二〇五五
廬峰不擬住多年

久眠褐被爲居士，忽挂緋袍作使君。身出草堂心不出，廬山未要動移文。

三間茅舍向山開，一帶山泉遶舍迴。山色泉聲莫惆悵，三年官滿却歸來。

鍾陵餞送

翠幕紅筵高在雲，歌鍾一曲萬家聞。路人指點滕王閣，看送忠州白使君。

潯陽宴別

此後忠州路上作

鞍馬軍城外，笙歌祖帳間。乘潮發湓口，帶雪別廬山。

景牽行色春寒散，醉顏共嗟炎瘴地。盡室得生還。

戲贈戶部李巡官

姪去民曹李判官，少貪公事且謀歡。男兒未死爭能料，莫作忠州刺史看。

行次夏口先寄李大夫

連山斷處大江流，紅旆逶迤鎮上游。幕下翱翔秦御史，軍前奔走漢諸侯。曾陪劍履升鸞殿，欲謁旌幢入鶴樓。假看緋袍君莫笑，恩深始得向忠州。

重贈李大夫

早接清班登玉陛，同承別詔直金鑾。鳳巢閣上空身穩。

鶴鎖籠中展翅難，流落多年應是命。量移遠郡未成官，
慙君獨不欺。憔悴猶作銀臺舊眼看。

對鏡吟

閒看明鏡坐清晨，多病姿容半老身。誰論情性乖時事，
自想形骸非貴人。三殿失恩宜放棄，九宮推命合漂淪。
如今所得須其分，腰佩銀龜朱兩輪。

江州赴忠州至江陵以來舟中示舍弟五十韻

管作咸秦客，常思江海行。今來仍盡室，此去又專城。典
午猶爲幸，分憂固是榮。箴晡朋切篋先清切州乘送，艤盧侯切牒徒協切驛船迎。共載皆妻子，同游即弟兄。寧辭浪

遠且貴，賞心并雲展。帆高挂，颿馳棹迅。征沂流從漢浦，
循路轉荆衡。山逐時移色，江隨地改名。風光近，東早水
木向前清。夏口煙孤起，湘州雨半晴。日煎紅浪沸，月射
白砂明。北渚寒留雁，南枝暖待鶯。駢朱桃露萼，點翠柳
含萌。亥市魚鹽聚，神林鼓笛鳴。壺漿椒葉氣，歌曲竹枝
聲。繫纜憐沙靜，垂綸愛岫平。水食紅粒稻，野茹紫花菁。
甌汎茶如乳，臺粘酒似餠。徐盈切膾長抽錦纒，藕脆削瓊
英。容易來千里，斯須進一程。未曾勞氣力，漸覺有心情。
臥穩添春睡，行遲帶酒醒。忽愁牽世網，便欲濯塵纓。早
接文場戰，曾爭翰苑盟。掉頭稱俊逸，翹足取公卿。且昧

隨時義徒輸報國誠衆排恩易失偏壓勢先傾虎尾憂
危切鴻毛性命輕燭蛾誰救活鱗繭自纏紫斂手辭雙
關回眸望兩京長沙拋賈誼漳浦臥劉楨鷓鴣鳴還歇
蟾時占蝓長魚切破又盈年光同激箭鄉思極搖旌潦倒
親知笑衰羸舊識驚烏頭因感白魚尾爲勞賴劔學將
何用丹燒竟不成孤舟萍一葉雙鬢雪千莖老見人情
盡閒思物理精如湯探冷熱侶博鬪輸贏險路應須避
迷途莫共爭此心知止足何物要經營玉向泥中潔松
經雪後貞無妨隱朝市不必謝襄灑但在前非悟期無
後患嬰多知非景福少語是元亨晦卽全身藥明爲伐

性兵昏昏隨世俗蠢蠢學黎昨鳥以能言縉龜緣入夢
烹知之一何晚猶足保餘生

題岳陽樓

岳陽城下水漫漫獨上危樓凭曲欄春岸綠時連夢澤
夕波紅處近長安猿攀樹立啼何苦鴈點湖飛渡亦難
此地唯堪畫圖障華堂張與貴人看

入峽次巴東

不知遠郡何時到猶喜全家此去同萬里王程三峽外
百年生計一舟中巫山暮足露花雨隴水春多逆浪風
兩片紅旌數聲鼓使君艘牒上巴東

十年三月二十日別微之於澧上十四年三月十一日夜遇微之於峽中停舟夷陵三宿而別言不盡者以詩終之因賦七言十七韻以贈且欲記所遇之地與相見之時為他年會話張本也

澧水店頭春盡日送君上馬誦通川夷陵峽口明月夜此處逢君是偶然一別五年方見面相携三宿未迴船坐從日暮唯長歎語到天明竟未眠齒髮蹉跎將五十關河迢遞過三千生涯共寄滄江上鄉國俱拋白日邊往事渺茫都似夢舊遊零落半歸泉醉悲灑淚春盃裏

吟苦支頤曉燭前莫問龍鍾惡官職且聽清脆好詩篇微之別來有新詩數百篇麗絕可愛別來只是成詩癖老去何曾更酒顛各限王程須去住重開離宴貴留連黃牛渡北移征棹白狗崖東卷別筵黃牛白狗皆峽中地名神女臺雲間即與微之遇別之所也繚繞使君灘水急潺湲風淒暝色愁楊柳月弔宵聲哭杜鵑萬文赤幢潭底日一條白練峽中天君還秦地薛炎微我向忠州入瘴煙未死會應相見在又知何地復何年

題峽中石上

巫女廟花紅似粉昭君村柳翠於眉誠知老去風情少

見此爭無一句詩

觀測中五土

白氏長慶集卷第十七終

[Faint bleed-through text from the reverse side of the page]



白氏長慶集卷第十八

唐太子少傅刑部尚書致仕贈尚書右僕射太原

白居易樂天著

明後學松江馬元調吳甫校

律詩五言七言自兩韻至三十韻凡一百首

夜入瞿塘峽

瞿塘天下險，夜上信難哉。听似雙扉合，天如匹帛開。逆風驚浪起，拔柁闇船來。欲識愁多少，高於滌瀨堆。

初到忠州贈李六

好在天涯李使君，江頭相見日黄昏。吏人生硬都如鹿。

市井蕭疎只抵村一隻蘭船當驛路百層石磴上州門
更無平地堪行處處虛受朱輪五馬恩

郡齋暇日憶廬山艸堂兼寄二林僧社三十韻

皆敘貶官以來出處之意

諫諍知無補遷移分所當不堪匡聖主只合事空王龍
象投新社鷓鴣失故行沈吟辭北闕誘引向西方便住
雙林寺仍開一艸堂平治行道路安置坐禪牀手板支
爲枕頭巾閣在牆先生爲几鳥居士白衣裳竟歲何曾
悶終身不擬忙滅除殘夢想換盡舊心腸世界多煩惱
形神久損傷正從風鼓浪轉作日銷霜佛經云此生死無休已如風鼓

海浪又云煩惱如霜露慧日能消除吾道尋知止君恩偶未忘忽蒙頒鳳

詔兼謝剖魚章蓮靜方依水葵枯重仰陽二車猶夕會

五馬已晨裝去似尋前世來如別故鄉眉低出鷲疾健切

嶺腳重下虵岡廬山岡名漸望廬山遠彌愁峽路長香爐峯

隱隱巴字水茫茫瓢挂留庭樹經收在屋梁春拋紅藥

圃夏憶白蓮塘唯擬捐塵事將何答寵光有期追永遠

晉時永遠二法師曾居此寺無政繼龔黃南國秋猶熱西齋夜斲涼

閒吟四句偈靜對一爐香身老同丘井心空是道場覓

猶爲去伴留俸作歸糧爲報山中侶憑看竹下房會應

歸去在松菊莫教荒

贈康叟

八十秦翁老不歸南賓太守乞寒衣再三憐汝非他意
天寶遺民見漸稀

鸚鵡

竟日語還默中宵棲復驚身囚緣彩翠心苦為分明暮
起歸巢思春多憶侶聲誰能折籠破從放快飛鳴

京使回累得南省諸公書因以長句詩寄謝蕭

五劉二元八吳十一韋大陸郎中崔二十二

牛二李七庾三十二李六李十楊三樊大楊

十二員外

雪壓泥埋未死身每勞存問媿交親浮萍漂泊三千里
列宿參差十五人禁月落時君待漏畚煙深處我行春
瘴鄉得老猶為幸豈敢傷嗟白髮新

東城春意

風輒乳動郡城東北隅晚來春澹澹天氣似京
都絃管隨宜有杯觴不道無其如親故遠無可共歡娛

木蓮樹生巴峽山谷間巴民亦呼為黃心樹大

者高五丈涉冬不凋身如青楊有白文葉如

桂厚大無春花如蓮香色艷膩皆同獨房蕊

有異四月初始開自開迨謝僅二十日忠州

西北十里有鳴玉谿生者穠茂惜其遐僻因

題三絕句云

如折芙蓉栽旱地似拋芍藥挂高枝雲埋水隔無人識

唯有南賓太守知

紅似臙脂膩如粉傷心好物不須與山中風起無時節

明日重來得在無

已愁花落荒巖底復恨根生亂石間幾度欲移移不得

天教拋擲在深山

種桃杏

無論海角與天涯大抵心安即是家路遠誰能念鄉曲

年深兼欲忘京華忠州且作三年計種杏栽桃擬待花

新秋

二毛生鏡日一葉落庭時老去爭由我愁來欲泥誰空

銷閒歲月不見舊親知唯弄扶牀女時時強展眉

龍昌寺荷池

冷碧新秋水殘紅半破蓮從來寥落意不似此池邊

聽竹枝贈李侍御

巴童巫女竹枝歌懊惱何人怨咽多
聽遣君猶悵望長聞教我復如何

寄胡餅與楊萬州

胡麻餅樣學京都，
麩脆油香新出爐。
寄與飢饞楊大使，
嘗看得似輔興無。

感櫻桃花因招飲客

櫻桃昨夜開如雪，
髮今年白似霜。
漸覺花前成老醜，
何曾酒後更顛狂。
誰能聞此來相勸，
共泥春風醉一場。

東亭閒望

東亭盡日坐誰伴，
寂寥身綠桂為佳客。
紅蕉當美人笑，
言雖不接情狀似相親。
不作悠悠想，如何度晚春。

畫木蓮花圖寄元郎中

花房膩似紅蓮朵，
艷色鮮如紫牡丹。
唯有詩人能解愛，

丹青寫出與君看

和李澧州題韋開州經藏詩

既悟蓮花藏須遺，
貝葉書菩提無處所。
文字本空虛觀指，
非知月忘筌是得魚。
聞君登彼岸，捨筏復何如。

九日題塗谿

蕃州席鋪楓葉岼，
竹枝歌送菊花杯。
明年尚作南賓守，
或可重陽更一來。

即事寄微之

畚田澁米不耕鋤，
旱地荒園少菜蔬。
想念土風今若此，
料看生計合何如。
衣縫紕篇夷類力遂切黃絲絹飯下腥

鹹白小魚飽暖饑寒何足道此身長短是空虛

題郡中荔枝詩十八韻兼寄楊萬州八使君

奇果標南土芳林對北堂素華春漠漠丹實夏煌煌葉
捧低垂戶枝擎重壓牆始因風弄色漸與日爭光夕
誅條懸火朝驚樹點粧深於紅躑躅大校白檳榔星綴連
心朶珠排耀眼房紫羅裁襯殼白玉裹填艱女良早歲切
曾聞說今朝始摘嘗嚼疑天上味嗅異世間香潤勝蓮
生水鮮逾橘得霜臙脂掌中顆甘露舌頭漿物少猶珍
重天高苦渺茫已教生暑月又使阻遐方粹液靈難駐
妍姿嫩易傷近南光景熱向北道途長不得充王賦無

由寄帝鄉唯君堪擲贈面白侶潘郎

留北客

峽外相逢遠樽前一會難即須分手別且強展眉歡楚
袖蕭條舞已絃趣數彈笙歌隨分有莫作帝鄉看

重寄荔枝與楊使君時聞楊使君欲種植故有
落句戲之

摘來正帶凌晨露寄去須憑下水船映我緋衫渾不見
對公銀印最相鮮香連翠葉真堪畫紅透青籠實可憐
聞道萬州方欲種愁君得喫是何年

和萬州楊使君四絕句

競渡

競渡相傳為汨羅不能止遏意無他自經放逐來憔悴
能投靈均死幾多

江邊州

聞君澤畔傷春州憶在天門街裏時漠漠淒淒愁滿眼
就中惆悵是江離

喜慶李

東都綠李萬州裁君手封題我手開把得欲嘗先悵望
與渠同別故鄉來

白槿花

秋薜試刃晚英無艷色何因栽種在人家使君自別羅
敷面爭解回頭愛白花

望郡南山寄行簡

臨江一嶂白雲閒紅綠層層錦繡斑不作巴南天外意
何如昭應望驪山

和行簡望郡南山

反照前山雲樹明從君苦道似華清試聽腸斷巴猿叫
早晚驪山有此聲

種荔枝

紅顆珍珠誠可愛白鬚太守亦何癡十年結子知誰在

自向庭前種荔枝

陰雨

嵐盧合切霧今朝重江山此地深灘聲秋更急峽氣曉多陰望闕雲遮眼思鄉雨滴心將何慰幽獨賴此北窓琴

送客歸京

水陸四千里何時歸到秦舟辭三峽雨馬入九衢塵有酒留行客無書寄貴人唯憑遠傳語好在曲江春

送處士遊黔南

能文好飲老蕭郎身似浮雲鬢似霜生計拋來詩是業家園忘却酒為鄉江從巴峽初成字猿過巫陽始斷腸

不醉黔中爭去得磨圍山月正蒼蒼

東樓醉

天涯深峽無人地歲暮窮陰欲夜天不向東樓時一醉如何擬過二三年

寄微之

時微之為虢州司馬

高天默默物茫茫各有來由致損傷鸚鵡為能言長剪翅龜緣難死久措音切而牀莫嫌冷落拋閒地猶勝炎蒸臥瘴鄉外物竟關身低事謾排門戟繫腰章

東樓招客夜飲

莫辭數數醉東樓除醉無因破得愁唯有綠樽紅燭下

白集 卷十八
八
暫時不似在忠州

醉後戲題

自知清冷似冬凌，每被人呼作律僧。
今夜醉醺羅綺煖，被君融盡玉壺冰。

冬至夜

老去襟懷常濩落，病來鬢髮轉蒼浪。
心灰不及爐中火，鬢雪多於砌下霜。
三峽南賓城最遠，一年冬至夜偏長。
今宵始覺房櫳冷，坐索寒衣託孟光。

竹枝詞四首

瞿塘峽口水煙低，白帝城頭月向西。
唱到竹枝聲咽處，

寒猿聞鳥一時啼。

竹枝苦怨怨何人，夜靜山空歌又聞。
蠻兒巴女齊聲唱，愁殺江南病使君。

巴東船舫上巴西，波面風生雨脚齊。
水荇冷花紅簇簇，江蘿溼葉碧淒淒。

江畔誰人唱竹枝，前聲斷咽後聲遲。
怪來調苦緣詞苦，多是通州司馬詩。

蕭巖中丞晚眺黔江見寄

江水三迴曲，愁人兩地情。
磨圍山川色，明月峽中聲。
晚後連天碧，秋來徹底清。
臨流有新恨，照見白鬚生。

寄楊萬州四望樓

江上新樓名四望，東西南北水茫茫。無由得與君攜手，同凭欄干一望鄉。

荅楊使君登樓見憶

忠萬樓中南北望，南州煙水北州雲。兩州何事偏相憶，各是籠禽作使君。

除夜

歲暮紛多思，天涯渺未歸。老添新甲子，病減舊容輝。鄉國仍留念，功名已息機。明朝四十九，應轉悟前非。

聞雷

瘴地風霜早，溫天氣候催。窮冬不見雪，正月已聞雷。震蟄蟲蛇出，驚枯艸木開。空餘客方寸，依舊似寒灰。

春至

若為南國春還至，爭向東樓日又長。白片落梅浮澗水，黃梢新柳出城牆。間拈蕉葉題詩，悶取藤枝引酒嘗。樂事漸無身漸老，從今始擬負風光。

感春

巫峽中心郡，巴城四面春。艸青臨水地，頭白見花人。憂喜皆心火，榮枯是眼塵。除非一盃酒，何物更關身。

春江

炎涼昏曉苦推遷，不覺忠州已二年。
閉閣只聽朝暮鼓，上樓空望往來船。
鶯聲誘引來花下，草色勾留坐水邊。
唯有春江看未厭，縈砂遶石綠潺湲。

題東樓前李使君所種櫻桃花

身入青雲無見日，手栽紅樹又逢春。
唯留花向樓前看，故故拋愁與後人。

巴水

城下巴江水，春來似麴塵。
軟砂如渭曲，斜岸憶天津。
影蘸新黃柳，香浮小白蘋。
臨流搔首坐，惆悵爲何人。

野行

草潤衫襟重，沙乾屐齒輕。
仰頭聽鳥立，信脚望花行。
暇日無公事，衰年有道情。
浮生短於夢，夢裏莫營營。

送高侍御使迴因寄楊八

明月峽邊逢，制使黃茆岸。
上是忠州到，城莫說忠州惡。
無益虛教楊八愁。

奉酬李相公見示絕句

時初聞國哀

碧油幢下捧新詩，榮賤雖殊共一悲。
涕淚滿襟君莫怪，耳泉侍從最多時。

喜山石榴花開

去年自廬山移來

忠州州裏今日花，廬山山頭去年樹。
已憐根損斬新栽。

還喜花開依舊數赤玉何人少琴軫紅纈胡結切誰家合
羅袴但知爛熳恣情開莫怕南賓桃李妬

戲贈蕭處士清禪師

三杯鬼我忘機客百納頭陀任運僧又有放慵巴郡守
不營一事共騰騰

錢虢州以三堂絕句見寄因以本韻和之

同事空王歲月深相思遠寄定中吟遙知清淨中和化
祇用金剛三昧心余早歲與錢君同讀金剛三昧經故云

三月三日

暮春風景初三日流世光陰半百年欲作閒遊無好伴

半江惆悵却回船

寒食夜

四十九年身老日一百五夜月明天抱膝思量何事在
癡男駮女喚鞦韆

代州民問

龍昌寺底開山路巴子臺前種柳林官職家鄉都忘却
誰人會得使君心

荅州民

宦情抖擻隨塵去鄉思磨銷逐日無唯擬騰騰作閒事
遮渠不道使君愚

荔枝樓對酒

荔枝新熟雞冠色，燒酒初開琥珀香。欲摘一枝傾一盞，西樓無客共誰嘗。

房家夜宴喜雪戲贈主人

風頭向夜利如刀，賴此溫爐輒錦袍。桑落氣熏珠翠暖，柘枝聲引管絃高。酒鈎送盞推蓮子，燭淚粘盤壘蒲萄。不醉遣儂爭散得，門前雪片似鵝毛。

醉後贈人

香毬趁拍迴環，遇合花盞拋巡。取次飛自入春來，不同醉那能夜去，獨先歸。

初除尚書郎脫刺史緋

親賓相賀問何如，服色恩光盡反初。頭白喜拋黃牛峽，眼明驚拆紫泥書。便留朱紱還鈴閣，却著青袍侍玉除。無奈嬌癡三歲女，繞腰啼哭覓金魚。

留題開元寺上方

東寺臺閣好，上方風景清。數來猶未厭，長別豈無情。戀水多臨坐，辭花剩繞行。最憐新听柳，手種未全成。

別種東坡花樹兩絕

三年留滯在江城，艸樹禽魚盡有情。何處殷勤重回首，東坡桃李種新成。

花林好住莫顛顛春至但知依舊春樓上明年新太守
不妨還是愛花人

別橋上竹

穿橋進竹不依行恐礙行人被損傷我去自慙遺愛少
不教君得侶甘棠

發白狗峽次黃牛峽登高寺却望忠州

白狗次黃牛灘如竹節稠路穿天地險人續古今愁
忽見千花塔因停一葉舟畏途常迫促靜境暫淹留
巴曲春全盡巫陽雨半收北歸雖引領南望亦迴頭
谷去悲殊俗今來念舊遊別僧山北寺拋竹水西樓
郡樹花

如雪軍厨酒似油時時大開口自笑憶忠州

棟華驛見楊八題夢兄弟詩

遙聞旅宿夢兄弟應爲郵亭名棟華名作棟華來早晚
自題詩後屬楊家

商山路有感

萬里路長在六年身始歸所經多舊館大半主人非

商山路驛桐樹昔與微之前後題名處

與君前後多遷謫五度經過此路隅笑問中庭老桐樹
這迴歸去免來無

惻惻吟

惻惻復惻惻，逐臣返鄉國。前事難重論，少年不再得。泥塗絳老頭，班白炎瘴靈。均面黎黑，六年不死，却歸來道著姓名，人不識。

德宗皇帝挽歌詞四首

執象宗玄祖，貽謀啓孝孫。文高栢梁殿，禮薄灞陵原。京仗辭天闕，朝儀出國門。生成不可報，二十七年恩。虞帝南巡後，殷宗諒闇中。初辭鑄鼎地，已閉望仙宮。曉落當陵月，秋生滿旆風。前星承帝座，不使北辰空。業大承宗祖，功成付子孫。睿文詩播樂，遺訓史標言。節表中和德，方垂廣利恩。懸知千載後，理代數貞元。

夢減三齡壽，哀延七月期。寢園愁望遠，宮仗哭行遲。雲日添寒慘，知蕭回晚悲。因山有遺詔，如葬漢文時。

昭德王后挽歌詞

仙去逍遙境，詔留窈窕章。春歸金屋少，夜入壽宮長。鳳引曾辭輦，蠶蠶休昔採桑。陰靈何處感，沙麓月無光。

太平樂詞二首

已十七首在翰林時奉敕撰進

歲豐仍節儉，時泰更銷兵。聖念長如此，何憂不太平。湛露浮堯酒，薰風起舜歌。願同堯舜意，所樂在人和。

小曲新詞二首

霽色鮮宮殿，秋聲脆管絃。聖明千歲樂，歲歲侶今年。

紅裙明月夜碧簾卓秋時好向昭陽宿天涼玉漏遲

閨怨詞三首

朝憎鶯百轉夜妬燕雙棲不慣經春別唯知到曉啼
珠箔籠寒月紗牕背曉燈夜來中上淚一半是春水
關山征戍遠閨閣別離難苦戰應顛顛寒衣不要寬

殘春曲

禁中口號

禁苑殘鶯三四聲景遲風慢暮春情日西無事墻陰下
閒蹋宮花獨自行

長安春

青門柳枝軟無力東風吹作黃金色街東酒薄醉易醒

滿眼春愁消不得

長樂坡送人賦得愁字

行人南北分征路流水東西接御溝終日坡前恨離別
謾名長樂是長愁

獨眠吟二首

夜長無睡起階前寒落星河欲曙天十五年來明月夜
何曾一夜不孤眠

獨眠客夜夜可憐長寂寂就中今夜最愁人涼月清風
滿牀席

期不至

紅燭青樽久延佇出門入門天欲曙星稀月落竟不來
煙柳朧朧鵲飛去

長洲苑

春入長洲艸又生鷓鴣飛起少人行年深不辨娃宮處
夜夜蘇臺空月明

憶江柳

曾栽楊柳江南岸一別江南兩度春遙憶青青江岸上
不知攀折是何人

南浦別

南浦淒淒別西風嫋嫋秋一看腸一斷好去莫回頭

三年別

悠悠一別已三年相望相思明月天腸斷青天望明月
別來三十六回圓

傷春詞

深淺簷花十萬枝碧紗牕外嘯黃鸝殘粧含淚下簾坐
盡日傷春春不知

後宮詞

淚濕羅巾夢不成夜深前殿按歌聲紅顏未老恩先斷
斜倚薰籠坐到明

白氏長慶集卷十八終

中河嘉祥坐位

吳縣蘇州莫不於文采而煥其相率孫賈未半思夫端

人 翁自歸 三福相承起少人行年深不辨姓官

盡日為春春不味

采安營芥上真對雙魚洲伏轉黃飄逐排合感不兼坐

謝春陪

限來三十六回圓

烈烈一限子三平財望所恩即自天翻猶青天望明月

三平恩風相傳伏一真賜一謝好去莫回願

